

ԾՈՓԶԸ Մ.Թ.Ա. III-II ՀԱԶԱՐԱՄՅԱԿՆԵՐԻ
ՍԱՀՄԱՆԻՆ*

Ա. Ա. Բորոխյան

Ողջ Հին Առաջավոր Ասիայի և էգեիգայի տարածքում մ.թ.ա. III-II հազ. սահմանագծին տեղի ունեցած արմատական փոփոխությունները և դրանց պատճառների անորոշությունը հիմք է հանդիսացել այդ ժամանակահատվածը կոչելու «մութ դարաշրջան»¹: Հայկական լեռնաշխարհը բնականաբար անմասն չի մնացել այդ իրավիճակից: Այս խնդրի էությունը ըմբռնումը Արևելյան Հայաստանի հնագիտությանը զբաղվող մասնագետներին բաժանել է երկու հակադիր խմբերի, որոնց մի մասը փոփոխությունների պատճառ է փնտրում հասարակության ներսում (ժողովրդագրական պայթյուն), իսկ մյուս մասը՝ դրսում (էթնիկ տեղաշարժ): Ժամանակին նշվել է, որ այդ փոփոխությունների ազդակները կարող էին գտնվել Արևմտյան Հայաստանի տարածքում²: Ներկա աշխատանքում մեր նպատակն է Ծոփքի օրինակով ցույց տալ այս տեսակետի հավաստիության աստիճանը:

Այսօրվա դրությամբ հնագիտական տեսանկյունից Ծոփքը Արևմտյան Հայաստանի միակ պարբերականորեն ուսումնասիրված երկրամասն է, որն ընդհանուր պատկերացում է տալիս տարածաշրջանի զարգացման ուղիների մասին: Թեև Ծոփքի պատմական հուշարձանների ուսումնասիրությունը սկսվել էր դեռևս XIX դարի սկզբում, սակայն կանոնավոր պեղումներ և հետախուզական աշխատանք այստեղ իրականացվեց սկսած 1967 թվականից, երբ վերինեփրատյան կերանի և կարակայայի ջրամբարների կառուցման պատճառով լայնածավալ հնագիտական աշխատանքներ ձեռնարկվեցին Ծոփքի կենտրոնական և հարավարևմտյան շրջաններում³: Ներկայումս խնդրո առարկա տարածաշրջանում փաստագրված են քարի դարից մինչև միջնադար ընկած ժամանակաշրջանին վերաբերող բազմա-

* Օգտվելով առիթից խորին շնորհակալություն եմ հայտնում Ա. Վ. Քոսյանին, է. Վ. Խանգազյանին, Ս. Ա. Եսայանին, Պ. Ս. Ավետիսյանին, Ռ. Ս. Բաղալյանին օգտակար խորհուրդների և տրամադրած գրականության համար:

1 B. B e l l . The dark ages in History. - AJA, vol. 75, N1, 1971, p.1.

2 Հ. Ա. Մ ա ր տ ի ր ո ս յ ա ն . Հայաստանը Միջին բրոնզի ժամանակաշրջանում. Հայ ժողովրդի պատմություն, հատոր 1, Երևան, 1971, էջ 158:

3 H. F. R u s s e l . Preclassical pottery of Eastern Anatolia. Oxford, 1980, p.11-17; I. A c a r o g l u . The Keban Project. - Archaeology, vol. 22, N4, 1969, p 319.

թիվ հուշարձաններ՝ գլխավորապես բնակավայրեր: Մեզ հետաքրքրող բրոնզ-երկաթեդարյան բնակավայրերը Շուփըում ընդունված է բաժանել մեծ քաղաքների (նորշունթեփե), փոքր քաղաքների (Թեփեջիք), գյուղերի (Դեղիրմենթեփե)⁴:

Այսպիսով, ինչ վիճակում էր գտնվում Շուփըը մ.թ.ա. III-II հազ. սահմանին: Մեզ հաջողվեց առանձնացնել 34 հուշարձան, որոնք որոշակի տեղեկություններ են պարունակում այս ժամանակաշրջանում տեղի ունեցած գործընթացների մասին: Նրանց զարգացման օրինաչափությունների ուսումնասիրությունը ցույց է տալիս, որ մ.թ.ա. III հազ. վերջում վերոհիշյալ բնակավայրերից 23-ը լքվում են, ընդ որում 3-ը՝ ավերվելուց հետո: Բնակավայրերից 7-ում շերտագրական տվյալների բացակայության պատճառով հնարավոր չէ ասել, արդյո՞ք գրանք լքվում են, թե ՎԲ-ՄԲ⁵ անցումը շարունակական է: Դրանցից 12-ը վերաբնակեցվում են ՄԲ-ի սկզբում, 12-ը՝ ՎԲ-ի, 4-ը՝ անտիկ և միջնադարյան շրջանում, 2-ը՝ լիովին լքվում են և այլևս չեն բնակեցվում: ՄԲ-ի սկզբում հիմնվում են ընդամենը 4 նոր բնակավայրեր: Անհրաժեշտ է նշել, որ ՄԲ-ի մշակույթը լավ ներկայացված է միայն 4-5 հուշարձաններում (տես աղյուսակը)⁶: Դիտարկենք մի քանի բնակավայրերի հնագիտական իրողությունները:

Այս տեսանկյունից հատկապես հետաքրքիր է Քորուլութեփեի շերտագրությունը: E հորիզոնի (ՎԲ III A) վերջում Քորուլութեփեի հիմնական վերին մասը լիովին լքվում է, բնակավայրը տեղափոխվում է ստորին մաս, և հաջորդ՝ F՝ հորիզոնում (ՎԲ III B) բնակության հետքերն ավելի են կրճատվում: Սա, ըստ պեղող հնագետի, ավանդույթի խզում էր: Թեև F և G (ՄԲ I) հորիզոնների միջև չկա մեծ շերտագրական խզում, բայց G-ում բնակավայրը նորից մեծանում է՝ արդեն պարունակելով լիովին այլ մշակութային տարրեր⁷:

Հաջորդ խոշոր կենտրոնում՝ Նորշունթեփեում, քիչ այլ իրավիճակ է: VI հորիզոնի ընթացքում (ՎԲ III B) վերջինս տարածաշրջանի խոշոր կենտ-

4 Ch. Burney. Aspects of the excavations in the Altinova. - AS, vol.30, 1980, p.160.

5 Կիրառում ենք հետևյալ համառոտագրությունները՝ ՊԴ-պղնձի գար (վաղ-4500-3500 թթ.; ուշ-3500-3000թթ.), ՎԲ-վաղ բրոնզ (ՎԲ I-3000-2600թթ., ՎԲ II-2600-2300թթ.; ՎԲ III. A-2300-2150թթ., ՎԲ III B-2150-2000թթ.), ՄԲ-միջին բրոնզ (ՄԲ I-2000-1800թթ.; ՄԲ II-1800-1600թթ.), ՈւԲ-ուշ բրոնզ (ՈւԲ I-1600-1400թթ.; ՈւԲ II-1400-1200թթ.), ՎԲ-վաղ երկաթ (1200-800թթ.). բոլորը մ.թ.ա.: Վերոհիշյալը ծովափյան ժամանակագրական սանդղակի առավել ընդունված տարբերակն է:

6 ՎԲ-ից ՄԲ-ին անցումային շրջանի խնդիրները լավ չեն ուսումնասիրված, և պեղված բնակավայրերի շերտագրությունը շատ դեպքերում պարզ չէ: Հետևապես ամբողջական պատկեր ստանալու համար ստիպված ենք լինելու խիստ ծանրաբեռնել հղումները: Դրանից խուսափելու համար այստեղ նշում ենք հիմնական սկզբնաղբյուրները և գրանք հղում միայն անհրաժեշտության դեպքում. - In: KP, N 1-7. Ankara, 1970-1982 (մոտ 100 հոդված); M. O z d o g a n. Lower Euphrates 1977 survey. Istanbul, 1977; Korucutepe, vol. 1-3, Amsterdam-New York-Oxford, 1975-1980.-JNES, 1973-1974 (10 հոդված Քորուլութեփեի մասին).

7 M. V a n L o o n. Korucutepe excavations (1969).-KP, N 2, 1971, p. 59-69.

բոնն էր, տեղական կառավարչի նստավայրը, որի մասին վկայում են իոնոլոգիական շինութունները՝ իր տարաբնույթ սենյակներով և պաշտպանական համակարգը: Սակայն այս հորիզոնի վերջում բնակավայրը հրկիզման է ենթարկվում և ժամանակավորապես լքվում: V հորիզոնի (ՄԲ I) սկզբում նորշունթեփեն վերաբնակեցվում է՝ կորցնելով սակայն նախորդ շրջանի շուքը⁸:

Նման գործընթացներ են նկատվում հարևան Թեփեջիքում: ՎԲ-ի վերջին վերաբերող 8-10 շերտերը ավարտվում են հրկիզումով, և քաղաքը լքվում է: ՄԲ-ի սկզբում, երբ բնակավայրը վերականգնվում է (3 a-b, 3 c-7), մենք արդեն գործ ունենք այլ մշակութային միջավայրի հետ⁹:

Պակաս հետաքրքիր չեն իմիկոլոգիի տվյալները: Վերջինս պատկանում է այն բացառիկ բնակավայրերի թվին, որոնք հիմնադրվել են ՎԲ - ՄԲ անցումային փուլում: Այսպես, եթե 14-րդ շինարարական շերտը (ՎԲ - ԱԲ անցումային) բնութագրվում է Ծոփքի ՎԲ - ին յուրահատուկ գունազարդ խեցեղենով, ապա հաջորդ՝ 13-րդ շերտում ի հայտ է գալիս տարածքին խորթ Հյուսիս-միջագետքյան՝ խաբուրյան և Անդրկովկասին ու Պարսկահայքին բնորոշ՝ «ուրմիական» խեցեղենը¹⁰:

Ատացված պատկերը համապատասխանում է Ծոփքի հետ մոտ կամ հեռու մշակութային ազգակցության մեջ գտնվող գրեթե բոլոր տարածքների համաժամանակյա իրավիճակին: Այսպես, պարզվում է, որ Փոքր Հայքում (Սիվաս-Մալաթիա շրջանում) ուսումնասիրված ՎԲ - ի 28 բնակավայրերից միայն 3/4 մասն է շարունակում իր գոյությունը ՄԲ - ուն, Ուրֆայի շրջանում՝ 12-ից 9-ը, Կոմմագենեում՝ 9-ից 6-ը¹¹: Ավերածության հետքերով են ավարտվում հարակից Մալաթիայի Արսլանթեփե VI D (ՎԲ - վերջ), Բարձր Հայքի Կարազ XI-VII (ՎԲ III), Ուրմիայի շրջանի Գեոյթեփե, Յանիկթեփե հուշարձանների ՎԲ - ի վերջի շերտերը: Մեծ մասամբ լքվում են անգրկովկասյան բնակավայրերը, իսկ նրանցից մի քանիսի ՎԲ III վերին շերտերում նկատվում են ավերածության հետքեր (Ամիրանիս Գորա, Շենգավիթ IV, Կվացխելբեի-Նիզանաթ Գորա B, Քյուլթեփե II)¹²: Նմանապես ողջ Անատոլիայում նկատվում են բնակատեղիների լքում, ավերածություններ, քոչվորության աճ. բնակավայրերի քանակը նվազում է 75տոկոսով¹³:

Չնայած նմանություններին, այնուամենայնիվ, յուրաքանչյուր շրջան ունեցել է զարգացման իր առանձնահատկությունները, որոնց ար-

8 H. Hauptmann. Die Grabungen auf dem Norşun-Tepe (1972).- KP, N5, 1976, S.126.

9 U. Esin. Tepecik (1974).- AS, vol. 25, 1975, p. 130.

10 V. Sevin. Imkusağı (1983).- AS, vol. 34, 1984, p. 249-50.

11 J. Jakar, A. Gürsana-Salzman. Archaeological survey in the Malatya and Sivas provinces (1977).-Tell-Aviv, vol. 6, 1979, p. 51; M. Özdoğan. Op. cit., p. 117, 173.

12 K. X. К у ш н а р е в а, Т. Н. Ч у б и н и ш в и л и. Древние культуры Южного Кавказа. Л., 1970, с. 100, 110, 177; A. G. Sagona. The Caucasian region in the Early Bronze Age. Oxford, 1984, p. 81.

13 J. Mellaart. Anatolia c. 4000-2300 B.C.-CAH, vol. 1, N18, 1965, p. 46-7.

մատները թաքնված են տվյալ տարածքի ընդհանուր պատմական զարգացման օրինաչափությունների մեջ: Հասկանալու համար մ.թ.ա. III–II հազ. սահմանի ճգնաժամի էությունը անհրաժեշտ ենք համարում համառոտ անգրագառնալ Մոփքի ընդհանուր զարգացման ընթացքին՝ ըստ հնագիտական ժամանակաշրջանների:

Նեոլիթ – ինչպես ցույց են տալիս հնագիտական ուսումնասիրությունները մ.թ.ա. VIII–VI հազարամյակներում Մոփքը եղել է խիտ բնակեցված: Զարգացվածության փայլուն օրինակը Չայոնյուն է, սակայն կան ավելի մեծ նախա- և ետկերամիկական նեոլիթին վերաբերող, բայց չուսումնասիրված բազմաթիվ բնակավայրեր: Բնորոշ են ուղղանկյուն կացարաններ, տեղական գիմագծերով՝ մետաղին ծանոթ մշակույթ¹⁴:

ՊԴ – այն ժամանակ, երբ Մուշի և Վանի շրջանում բնակավայրերը աննշան են, Մոփքում գրանք բավականին թիվ են կազմում (Հայտնի են շերտագրական տվյալներով 10 բնակավայր): Տարածվում են հիմնականում դաշտավայրերում: Բնորոշ են ուղղանկյուն կացարաններ, տեղական, ինչպես նաև խալաֆ-ուբեյդյան խեցեղեն, ինտրամուրիալ՝ երբեմն կարասային, թաղումներ: ՊԴ-ի վերջում Մոփքը գտնվում էր ուրուկյան գաղութային համակարգի գոտում: Աստիճանաբար այստեղ թափանցում են Կուր-արաքսյան մշակույթի կրողները¹⁵:

ՎԲ – նկատվում է բնակավայրերի քանակի մեծ աճ: Բնակեցվում են նաև լեռնային և նախալեռնային շրջանները: ՊԴ-ում հիմնված բնակավայրերը շարունակում են գոյությունը ՎԲ-ում: Մոտ մ.թ.ա. 3000թ. ավերվում է Քորուշութեֆեն, որ թերևս վկայում է նոր տարրերի ներթափանցման մասին: ՎԲ I վերջնականորեն հաստատվում է Կուր-արաքսյան մշակույթը, որը մոտ է Զավախքի տարբերակին, բնորոշ են ուղղանկյուն կացարաններ, որոնք մասամբ փոխարինվում են կլորներով: ՎԲ II-ը մոտ է Կուր-արաքսյան մշակույթի Արարատյան գաշտի տարբերակին, բնորոշ են տեղական ուղղանկյուն և անգրկովկասյան՝ ձողուններով կացարանները: Տեղական մշակույթի կարևոր ցուցիչը յուրահատուկ գունազարդ խեցեղենն է: ՎԲ III Մոփքը շարունակում է մնալ Արարատյան գաշտի ազդեցության ոլորտում: Շարունակվում է ուղղանկյուն և ձողուններով կացարանների, ինչպես նաև անոթների գունազարդման ավանդույթը: Խիստ ակտիվանում է կապը արտաքին աշխարհի հետ, որի շնորհիվ տարածքը թևակոխում է պետականության փուլ¹⁶:

ՄԲ – անկում է ապրում Կուր-արաքսյան մշակույթը, լքվում է բնակավայրերի մեծ մասը, խորանում է տարածքի լոկալությունը, խզվում են նախկին ակտիվ կապերը Անդրկովկասի հետ: Բնորոշ են ուղղանկյուն կացարաններ, առկա է խեցեղենի մեծ բազմազանություն (գերիշխում են

14 M. J. Mellink. Archaeology in Anatolia. - AJA, vol.94, N1,1990,p. 127.

15 H. F. R u s s e l. Preclassical pottery of Eastern Anatolia, p. 54.

16 C. h. B u r n e y, D. M. L a n g. The Peoples of the hills. London, 1971, p. 31; A. G. S a g o n a. Op. cit., p. 99.

անատոլիական տեսակները), Անդրկովկասի հետ կապը փաստում է ոչ մեծաքանակ «ուրմիական» խեցեղենը: Միակ էական անցումային չափանիշը ՎԲ - ՄԲ -ի միջև տեղական գունազարդ խեցեղենն է, որն աստիճանաբար գնում է դեպի անկում¹⁷:

ՈՒԲ - բնակավայրերի և մշակութային օրինաչափությունների զարգացման իմաստով ՈՒԲ - ը հիմնականում շարունակում է ՄԲ - ի անսնդույթները. ավելի են խորանում կապերը կենտրոնական Անատոլիայի հետ: Մոտ մ.թ.ա. 1650 թ. Ծոփքի գրեթե բոլոր բնակավայրերը ավերվում են (նույնը տեղի է ունենում Դինկայում, Հաֆթավանում՝ Ուրմիայի ավազան, Ուզբրլիկում՝ Անդրկովկաս, ևն), ինչն ավելի շուտ կապված է քաղաքական իրադարձությունների (Միտաննի-ինաթթիի պայքարը), քան էթնիկ տեղաշարժերի հետ¹⁸:

ՎԵ - նախորդ շրջանի համեմատությամբ բնակավայրերը աճում են 50 տոկոսով, վերաբնակեցվում է նաև ՎԲ - ի վերջում լքված բնակավայրերի զգալի մասը: Մշակույթը լիովին փոխվում է և կապվում նոր էթնիկ տարրերին՝ մասնավորապես մուշկերին: Վերականգնվում են ակտիվ կապերը Անդրկովկասի հետ¹⁹:

Ուրարտացիների կողմից Ծոփքի գրավումը և այդ ժամանակաշրջանին վերաբերող նյութական մշակույթի հետքերի սակավությունը, կարծես արտահայտում է Ծուպանի բնակչության Արարատյան դաշտ տեղափոխվելու փաստը՝ ուրարտական արքա Արգիշտի I-ի օրոք: Հնագիտորեն փաստագրված է սկյութների առկայությունը Ծոփքում մ.թ.ա. VIII-VII դարերում²⁰: Այս ամենով հանդերձ, Ծոփքի պատմության զարգացման օրինաչափությունները նույնանում են Հայկական լեռնաշխարհի այլ շրջանների հետ:

Սակայն Ծոփքյան իրականությունը ունեցել է նաև իր առանձնահատկությունները, որոնք գրեթե միշտ եղել են՝ 1) նիտ բնակեցվածությունը, 2) Ջարգացածությունը՝ Հայկական լեռնաշխարհի այլ շրջանների համեմատությամբ, 3) Անընդհատական կապը հարևան քաղաքակիրթ տարածաշրջանների հետ, որն եղել է նախ և առաջ նրա դիրքի և բնական հարստությունների արդյունքը²¹: Այս ամենը անպայմանորեն անհրաժեշտ է

17 A. M. Conti, C. Persiani. Cultural development in Eastern Anatolia in the Early Bronze Age.- In: Between the Rivers and Over the Mountains, Roma, 1993, p. 384-5; C. E d e n s. Transcaucasia at the end of the Early Bronze Age.- Bulletin of the American Schools of Oriental Research. Vol. 299-300, 1995, p.53.

18 Ա. Վ. Ք ո ս յ ա ն. Իսուվան (Ծոփքը) մ.թ.ա. XIII-XII դարերում.- ՊԲՀ, N 1, 1997, էջ 177-192;

M. van Loon . Korucutepe excavations (1969).- KP, N 2, 1971, p. 63.

19 Ա. Վ. Ք ո ս յ ա ն. «Արևելյան» և «արևմտյան» մուշկերի խնդիրը.- ՊԲՀ, N1-2, 1996, էջ 217:

V. S e v i n. The Early Iron Age in Elazig region.- AS, vol. 41, 1991, p. 95.

20 H. H a u p t m a n n. Neue Funde eurasischer Steppennomaden.- In: Beitrage zur Altertumskunde Kleinasien, Mainz am Rhein, Bd. 1, 1983, S. 251.

21 G. K u n t e l i a n. Notes sur les monuments Arméniens de la region de Kharput.- ՀԱՆՄՍ, II, Երևան, 1981, էջ. 211.

Հաշվի առնել մ.թ.ա. III—II հազ. սահմանի հանգույցը լուծելիս: Վերոհիշյալ ակնարկից պարզ է, որ խնդրո առարկա ժամանակաշրջանը իր բնույթով էի հանդիսացել միակ բարդը. էթնիկ տեղաշարժերը և ավերածությունները միշտ ուղեկցել են այս շրջանի բնակիչներին, և դրանք կարող էին կատարվել նույն օրինաչափություններով: Այժմ տեսնենք, թե որոնք են եղել այն գործոնները, որ հիմք կարող էին հանդիսանալ Ծոփքում «մուծ դարաշրջանի» համար խնդրո առարկա ժամանակաշրջանում:

1) Բնական աղետներ — Հաշվի առնելով այն հանդամանքը, որ մ.թ.ա. III—II հազ. սահմանի անկայուն իրավիճակը համընդհանուր է ողջ հին աշխարհում, մասնագետների մի զգալի մասը դրանում տեսնում է մեկ միասնական պատճառ՝ հանձինս կլիմայական պայմանների վատթարացման: Դա հաստատվում է ինչպես հնակլիմայաբանական, այնպես էլ գրավոր աղբյուրների տվյալներով²²:

2) Էթնիկ անթափանցում — Մենք խնդիր չենք դնում մեր առջև լուծելու այն հարցը, թե ովքեր էին ապրում Ծոփքում մ.թ.ա. III հազ. խուրրինները թե հնդեվրոպացիները: Ավելի կարևոր է ճշտել, թե մշակույթի փոփոխման հետ արդյոք տեղի է ունեցել էթնոսի փոփոխություն: Անատոլիական հնագիտության մեջ նոր էթնոսի հայտնվելը մ.թ.ա. III—II հազ. սահմանին կապվում է կապագոփկիական գուռնազարդ և «խեթական» խեցեղենի ի հայտ դալու, ինչպես նաև բնակավայրերի ավերածությունների հետ: Ընդ որում, որպես կանոն, այս ամենը վերագրվում է խեթերին²³: Նույն օրինաչափությամբ Ծոփքում ի հայտ է գալիս ՄԲ I -ում կենտրոնաանատոլիական «խեթական» միագույն խեցեղենը, որը շարունակում է իր գոյությունը մինչև ՈԻԲ - ի վերջը, ավերվում են բնակավայրերը, տեղական գուռնազարդ խեցեղենում նկատվում է կապագոփկիական ավանդույթի ազդեցությունը: Եթե սրան ավելացնենք խեթական ճարտարապետության տարածումը, նյութական մշակույթի նոր տարրերի ի հայտ դալը, ապա տրամաբանական կլինի այս ամենը վերագրել նոր էթնոսին:

3) Ներքին ժողովրդագրական փոփոխություն — Եթե հաշվի առնենք այն հանդամանքը, որ գուռնազարդ խեցեղենը Ծոփքում անընդհատ զարգանում է ՎԲ - ից ՄԲ, իսկ «խեթական» խեցեղենը կարող էր լինել քաղաքական ազդեցության արդյունք, որ ՄԲ - ի խեցեգործության մեջ մեծապես պահպանվել է Կուր-արաքսյան մշակութային ավանդույթը (Ու. Էսին), ապա նույնքան տրամաբանական կլինի վերը նշված փոփոխությունները համարել ներքին զարգացման արդյունք՝ չբացառելով մասնակի էթնիկ ներթափանցումը²⁴: Այդ ժամանակ ինչպե՞ս բացատրել բնակավայրերի լքումը և ավերվածությունները: Հայտնի է, որ բնակավայրերի լքումը կապվում է նաև քոչվորության աճի հետ, իսկ հին արևելյան մար-

22 W. N u t z e l . The climate changes of Mesopotamia and bordering areas.— Sumer, vol. 32,1976, p. 21.

23 R. A. C r o s s l a n d . Immigrants from the North.— CAH, vol.1, N 27,1964, p.21; O. R. G u r n e y . Anatolia c. 1750–1600 B.C.— CAH, vol. 2, N 6, 1965, p. 6.

24 U. E s i n . Tepecik (1974).— AS,vol. 34,1975, p. 48 ; Ch. B u r n e y . Aspects ..., p. 163.

դու մտածելակերպում «քոչվորութիւնը միջոց էր աղքատութիւնից դուրս գալու համար»²⁵: Նույնը կարող էր տեղի ունենալ նաև Մոփքում, ուր մինչև օրս էլ զուգակցվում են նստակեցութիւնը և քոչվորութիւնը²⁶:

4) Քաղաքակաճ գործոնը – եթե տրամաբանական է վերն ասվածը, ապա ինչպե՞ս հասկանալ կրակի հետքերով ավերածութիւնները: Նորշունթեփեի և Թեփեղիքի ավերումը մ.թ.ա. III հազ. վերջին, բացի էթնիկ ներխուժման հետ կապելուց, փորձ է կատարվել բացատրելու քաղաքական դրդապատճառներով՝ այն վերագրելով աքաղաղների²⁷: Նշյալ ժամանակաշրջանում պետականութիւնի գոյութիւնը Մոփքի տարածքում ակնհայտ է: Փորձեր են կատարվել Մոփքի հետ առնչելու մ.թ.ա. III հազ. վերջում II հազ. սկզբում հիշատակվող այնպիսի տեղանուններ ինչպիսիք են Սուբարտուն, Խախումը, Մուպանան, Դեգիշանան ևն²⁸: Հարուստ մետաղահանքերի առկայութիւնը, առևտրական կարևոր ճանապարհների խաչմերուկում գտնվելը չեն բացառում նրա տարածքի՝ քաղաքական իրադարձութիւնների համար մշտական թատերաբեմ լինելը:

Եզրակացնելով ճիշտ կլինե՞ր նշել, որ մ.թ.ա. III–II հազ. սահմանին տեղի ունեցած փոփոխութիւնները վերոհիշյալ չորս գործոններից որևէքն մեկի մենաշնորհը չէին, այլ, թերևս, դրանց ներդաշնակութիւնի հետեանքն էին: Մոփքում հնի և նորի բախման հետեանքով ծնվեց մեկ այլ միջավայր, որն իր մեջ պարունակում էր և՛ ավանդույթ, և՛ նորույթ: Դժվար է պարզել այն առանձին էթնոսների դերը, որոնց կարելի կլինե՞ր վերագրել այս կամ այն մշակութային իրողութիւնը: Թվում է, ինչպես դասական շրջանում, այնպես էլ այս ժամանակահատվածում, Մոփքը, որպես «կոնտակտային գոտի», բազմաէթնիկ է եղել: Գուցե այն հանգամանքը, որ Մոփքի «մայրաքաղաքները» անընդհատ փոխվել են (մ.թ.ա. III հազ. – Նորշունթեփե, մ.թ.ա. II հազ. – Քորուշութեփե, մ.թ.ա. II հազ. վերջ – նորից Նորշունթեփե), վկայում է էթնիկ խմբերի կամ վերնախավի զարգացման ընթացքի մասին:

Ի վերջո, ի՞նչ կտա Մոփքի հնագիտութիւնի ուսումնասիրութիւնը Արևելյան Հայաստանի հնագույն անցյալի խնդիրների ընկալման համար: Թեև այդ տարածաշրջանների միջև գոյութիւն ունեն տարբերութիւններ (օր. Մոփքի ՎԲ – ՄԲ անցումային և ՄԲ հուշարձանները հիմնականում ներկայացված են բնակավայրերով, մինչդեռ Անդրկովկասում՝ դամբարան-

25 Հմմտ. I. Finkelstein. Observations on the socio-demographic structure of the intermediate Bronze Age.– Levant, vol. 21, 1989, p. 132.

26 Britannica, vól. 28, 1988, article “Turkey”, p.892,896.

27 M.J. Mellink. Archaeology in Asia Minor.– AJA, vol.75, N 2, 1971, p. 161.

28 J. Lewy. Old Assyrian evidence concerning Kussara.– AA, vol.II, N 1–2, 1965, p. 301; Ch. Burney. Contact and conflict in north-western Iran.– Iranica Antiqua, vol. 29,1994, p. 52; Հմմտ. Հ. Մ. Ավետիսյան. Հայկական լեռնաշխարհի և հյուսիսային Միջագետքի պետական կազմավորումների քաղաքական պատմութիւնը մ.թ.ա. 17–9-րդ դարերում. Երևան, 1997 (պ.դ.դ. կոչմանը հայցող սեղմագիր), էջ 15.

ներով), սակայն նույնություններն ավելի շատ են (երկու տարածքներն էլ գտնվել են Կուր-արաքսյան մշակույթի սահմաններում, որն երկու շրջաններում էլ անկում է ապրել գրեթե նույն ժամանակահատվածում՝ միևնույն երևույթների տարածմամբ՝ բնակավայրերի լքում, քոչվորության աճ, առևտրական հարարերությունների աշխուժացում, դասակարգային հասարակության ստեղծում՝ մի տարբերությամբ, որ հիշյալ տեղաշարժերն ավելի արագ են ընթացել Մոփքում շնորհիվ իր բարենպաստ աշխարհագրական դիրքի): Հարց է առաջանում՝ ինչպիսի ազդեցություն կարող էր ունենալ այս պարագայում Մոփքը Անդրկովկասի վրա:

Բազմիցս նշվել է Անդրկովկասի ՄԲ - ի գոլնագարդ խեցեղենի կապը Առաջավոր և Փոքր Ասիայի ավանդույթների հետ, մյուս կողմից էլ համադրվել է Անդրկովկասի և Մոփքի գոլնագարդը: Այս հանդամանքը չի բացառում Մոփքի միջնորդային գերը²⁹: Ինչ վերաբերում է «խեթական» կոչված կենտրոնաանատոլիական միագույն խեցեղենին, ապա Մոփքի դերը Անդրկովկասի համար անվիճելի է³⁰: Մոփքի, և ընդհանրապես Արևմտյան Հայաստանի հետ կարող էին կապվել անդրկովկասյան իրականության բազմաթիվ այլ երևույթներ, որոնց ուսումնասիրությունը ավելի լայն հնարավորություններ կընձեռի Հայկական լեռնաշխարհի հնագույն պատմության ճիշտ ընկալման համար:

Ատորև ներկայացնում ենք մ.թ.ա. III-II հազ. սահմանի Մոփքի հուշարձանները և պատմաժողովրդագրական գործընթացները բնորոշող աղյուսակ.

Չամառոտագրությունների ցանկ.

ՊԲՀ – Պատմա - Բանասիրական Հանդես.

ՀԱՆՄՄ - Հայ Արվեստի և Նվիրված Միջազգային II Սիմպոզիում.

AA – Anadolu Arastirmalari.

AJA – American Journal of Archaeology.

AS – Anatolian Studies.

CAH – Cambridge Ancient History.

JNES – Journal of Near Eastern Studies.

KP – Middle East Technical University Keban Project Publications, Serial I /1–7.

29 Է. Վ. Խ ա ն դ ա դ յ ա ն . Էլառ-Դարանի. Երևան, 1979, էջ 65, 68: Ս. Ե ս ա յ ա ն . Գ. Միջայելյան. Բրոնզեդարյան գոլնագարդ խեցեղենի նորահայտ նմուշներ.– ՊԲՀ, N 2, 1971, էջ 279.

30 Г. Е. А р е ш я н. Малоазийские формы в керамике Армении среднего бронзового века.– Советская археология, N 4, 1973, с. 40.

Բնակավայրերի տեղաբաշխումը	Ուսումնասիրման ձևը և ուսումնասիրողները	Բնակավայրերի չափսը	Բնակեցման ժամանակը	ՎՔ - ՄԲ անցումային իրավիճակը	Վերաբնակեցումը
Խարբերող/ Աշվան	Պեղումներ 1968-75	երկշյայն/բարձր.-մ.			
1. Թաշկուն Կայն*	- Ս. Հելմս	150/150/20	II, VII, VIII	2	7
2. Նորշունթեփե*	- Հ. Հատպտման	600/400/25	I, II-VI	2	4
3. Թեփեջիք*	- Ու. Էսին	200/200/10	III-VIII	2	4
4. Բորուջութեփե*	- Մ. Վան Լուց	220/150/17	I, II, III, IV, V, VIII	1	4
5. Թուլիթեփե*	- Ու. Էսին	260/210	I, II, III-V, VII, VIII	1	4
6. Դեղիթմենթեփե*	- Ռ. Դուրու	106/150/7	II, V	1	5
7. Աշվան Կայն*	- Դ. Տրենց	125/95/15	II, V, VII, VIII	1	5
8. Թաշկուն Մակիի*	- Դ. Տրենց	190/120/25	I, II	1	6
9. Բալայջիք*	- Ու. Սերդարոջու	130/170/30	I-III, VII, VIII	1	5
10. Աղիճ*	- Ու. Սերդարոջու		I-III, VII, VIII	1	4
11. Բյոթեփե*	- Հ. Հատպտման	210/100/2	I-V	1	5
12. Յեհիբլոյ*	- Զ. Բոշայ		II, V, VII, VIII	1	5
13. Պուլուր*	- Զ. Բոշայ	120/80/20	I, II, VII	1	6
14. Հան Իբրահիմ*	- Հ. Էրտեմ.	100/60/8	II, V, VII, VIII	1	5
Աճծիտ	Հետախուզում. 1975-7				
15. Մալթեփե*	- Մ. Օզդողան	130/75/7	II, V, VIII		4
16. Հուլուբլոյ*	-	110/180/10	II, V, VIII		4
17. Ուլուենկթեփե*	-	110/180/14	II-IV, V, VII, VIII		4
18. Աթաֆ Հարաբեսի+	-	100/150	II, VIII	1	7
19. Կարտից +	-	50/150	III, IV, V, VII, VIII	3	
20. Նալիհասան+	-	60-տրամ.	II, V	1	5
21. Կայեբլոյ*	-		II, V, VII, VIII	1	5
22. Շահյուրդու-	-		II, V	1	5
23. Շենսիթեփե*	-		I, IV		4
24. Բամիկլի հուլուկ*	-	70/90/5	II-V, VIII		4
25. Հասիկլի+	-	120/70/5	III, IV, VIII	3	
26. Կիրասաթեփեսի*	-	100/100	I, II-V	1	4
27. Կայն I+	-	50/20/3	II, V, VIII	1	5
28. Կայն II*	-	70/190	III, V	3	
29. Կայն III*	-	40-տրամ./2-բարձր.	II, V	1	5
30. Կազ Մակիի+	-	50-երկ./25-բարձր.	II, V		4
31. Շանթեփե*	-	70/50/3	II, III	1	7
32. Հարիբուշաղի+	-	70/80	I, II, VIII	1	5
33. Հարոջու+	-	100-երկ.	II, V, VI	1	7
34. Իմիկուշաղի*	Պեղումներ 1982-7(Վ.Սևին)	80/90/14	I, II, VIII	3	
			III, IV, V, VIII		

1- լքում; 2- լքում հրկիզման հետևանքով; 3- բնակավայրի հիմնում ՄՔ- ում; 4- վերաբնակեցում ՄՔ-ում; 5- վերաբնակեցում ՎԵ- ում; 6- լիովին լքում ՎՔ - ից հետո; 7- վերաբնակեցում անտիկ և միջնադարյան շրջանում.

I - ՊԴ; II - ՎԲ; III - ՄՔ; IV - ՈՒԲ; V - ՎԵ; VI - Ուրարտական շրջան; VII - Անտիկ; VIII - Միջնադար.

*- արհեստական բլուր; + - հարթ բնակավայր; - -դամբարանադաշտ. Եղազիբ - բնակավայրերի ամենահիմնական բնակեցման ժամանակաշրջանը.